

underthenigen vleissigen dinsten allezceidt willigk und bereidt seyn zcu vordinen. Geben zcu Leiptzk sontag commemorationis Pauli im XXI. iare.

E. f. g. underthenige capplan und diner, dechant und doctores facultatis theologie e. f. g. universitet zcu Leiptzk.

5 Dem durchlauchten hochgebornen fursten und herren, hern Georgen hertzen zcu Sachssen, landtgraffen in Doringen und marggraffen zcu Meysßen, unserem gnedigen herrenn.

327.

*Commissarischer Bericht an Herzog Georg, die Irrungen zwischen Universität und Rath zu Leipzig wegen des Bierschanks im großen Colleg, wegen Auslieferung der Uebelthäter und wegen des Auf-
ruhrs zwischen Studenten und Handwerkern betreffend.* 1521 Sept. 4.

Hdschr.: Or. Pap. Hauptstaatsarchiv Dresden Leipziger Handel 1519—1526 loc. 9884 fol. 6. Von dem aufgedr. Siegel sind nur noch Spuren vorhanden.

Durchlauchtiger hochgeborner furst. Unnßer underthenige gantz | willige dinst
15 seindt e. f. g. mit vleys zcuoran bereit. | Gnediger furst unnd herr. Wyr habenn uns
kegen Leyptzgk | gefugt unnd die gebrechen zzwischen dem rath und der unversitet
gehört unnd vyl fleis vorgewent dieselbtenn gebrechen gutlichenn zcu vortragen unnd
nach die gebrechen zczwischen ihn vornemlich uff drey artickell gestanden: Eins der
bier halb haben wir beiden parteien den abschidt gegeben, das sie sich der compactata
20 derwegen uffgericht halten sollen, also das die collegiaten in dem grossen collegio irem
schengken gebitten sollen, nymandes dan ihn und den glidern der unversitet lassen und
vorkeuffen sollen, zcum andern so hinfordt eyn ubeltretter, eyn dib adder morder be-
treten, das derselbt vorerst excludirt und alsden dem bischoff zcu Merßeburgk über-
geschickt, uff das der rath geburliche straff an demselbten ubeltretter bekommen moge
25 und nicht wy bißher bscheen wege sucht, das sulche ubeltetter beschutz und weg-
gehulffenn werde, das die unversitet hochlich angefochten und nicht haben willigen
wollen. Zcum dritten so haben wir beiden parteyen zcu hynlegung der auffrur, so
zzwischen den studenten, handtwerger und andern entstanden, diesen weg vorgeschlagen,
das sie von beiden teyllen den iren were zcu tragen vorbiten sollen und nach die unver-
30 sitet sulch geboth nicht handthaben können, das sie dem richter und knechten an der eine
zimliche percio laßen welden und sie derselbten percion zcu vogleichen vil fleis vor-
gewendt und zculetzt vorgeschlagen, das beide part dieselbte gebrechen sampt dem
andern artickell in e. f. g. stellen wolten, welchs der rath mit sampt unversitet bewilligt
biß uff magister Kanitz, der sulchs alles zeuruckte und an ende haben abscheiden müssen.
35 Das wir e. f. g. underteniger meynung nicht haben vorhalten wollen. *Folgen noch
einige andere die Universität nicht betreffende Notizen. Der Schluß lautet dann: Datum
mitwochs nach Egidii anno 20. XXI^o.*

E. f. g. undertenige Nicklas von Heinitz doctor und probst,
Cesar Pflugk ritter, Georg von Widebach.

40 Dem durchlauchten hochgebornen furst unnd ern Georg hertzogk, landtgraffen
in Doringen und marggraven zu Myssen, unserm gnedigen herren.